



- **Domegna dla jopa: l'Uniun dles Eres** envieia en domegna ai 7 d'aorí, do la gran messa, a l'aziun "Domegna dla jopa" (Suppenonntag): jö dal pavilon o, sce al ess da ester bor tomp, te Ciasa dles Uniuns gnarál pité, por na oferta de bona man co gnará dada ennant por n fin de ben, na bona jopa dal danmsidé. Düc é enviés: al dess ince ester na bona ocajiun da sté empü' adöm y fá comunité!
- **Confermaziun 2019: en vendres, ai 12 d'aorí, ales 14:30**, sarál te salf dles manifestaziuns d'Al Plan na encuntada con signor **Markus Moling**, co aministreia ai 26 de ma a Al Plan le sacramont dla Confermaziun ai mituns y ales mitans dal Comun de Mareo. Düc i mituns y les mitans co ciafa le sacramont dla crejima con geniturs, toc y totes é der bel enviés.
Ocio: la pissia da Pasca dai scolari dla scora mesana ven porchel sbürlada a en dedemesaledema ai 17 d'aorí do scora!
- **Iolan y Dio s'al páii** de Osta oferta da en domegna por le KVV: 324,100 € (204,12 e por KVV Balsan, 120,00 por KVV La Pli)

1

enformaziuns y termins

Raiun Sozio-Sanitar: l'ofize dla **portina por l'assistenza y cura** a Picolin é davert da aorí ennant le lönesc dales 14:00 ales 16:00, le dedemesaledema y la jöbia dales 10:00 ales 12:00, ☎ 0474 586123. Le team enformeia sön düc i sorvisc, sön les poscibilités de sostegn y alisiramont, sön i aiüc esistenc, i derc y doveis, sön le sostegn finanzia y i.i. y deida fá de vigni sort de domandes y atres pratices burocratices. La **portina da tó jö sanch** ne müda nia orar y é daverta lönesc, dedemesaledema y vendres dales 7:45 ales 8:30. La **repartiziun prestaziuns** (ex Krankenkasse) é daverta lönesc, dedemesaledema y vendres dales 9:30 ales 12:45, le dedolönesc y la jöbia dales 8:00 ales 12:45.

Sorvisc ai Jogn: le SaJ lascia alessei che por le proiet **isté deboriada** él te chisc paisc ciamó posc ledi: a La Pli l'edema dai 15. ai 19 de iuli y a Al Plan l'edema dai 29 de iuli ai 2 d'agost. Les iscriziuns pón fá tres la plata dai proiec www.proiec.org: login da pert dal genitur, selezioné le möt co é belo scrit ete y meter lapró l'edema co é a disposiziun. Por chi co ô él ince la poscibilité da fá l'iscriziun por telefon, ☎ 0474 523070 (orars d'ufize: dal lönesc ala jöbia dales 8:00 ales 12:00).

Conzert: le cor Kyrios envieia der bel en vendres ai 12 de aorí ales 20:00 y en domegna ai 14 de aorí ales 18:00 tal Parzivalsaal dal Vinzentinum y en dedemesaledema ai 17 d'aorí ales 20:00 tla Ciasa dla Cultura a La Ila a so conzert gospel „Hymns of worship“, adöm al Vinzenter Knabenchor da Porsenú, sot ala direziun de Andrea Tasser.

Döt le bun a: Giovanna Pedevilla, *Bornech* * 04.04.1934
Gustl Winkler * 04.04.1937
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns **cina le dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ



Ann C

31.03.2019 - Cuarta domegna de Carsema "Laetare"

n. 18

I ô jí da mio Pere y ti dí: Pere, i á fat picé cuntra le ci y cuntra te.

📖 **los 5, 9a.10–12 | 2 Cor 5, 17–21 | Lc 15, 1–3.11–32**

Dal Vangelo do San Lúca:

[...] ¹⁷Danló él jü ete te se enstes y á dit: Tan de oras de mio pere á pa plü co assá da mangé, y iu möri atló da fan. ¹⁸I ô pié ia y jí da mio pere y ti dí: Pere, i á fat picé cuntra le ci y cuntra te. ¹⁹I ne sun nia plü degn da ester to fi; tolemo sö desco önn de tü oras. ²⁰Spo él pié ia y é jü da so pere. Le pere l'á belo odü gnenn dalunc adalerch, y s'al menâ picé. Dlun saltenn ti él jü adancuntra, ti é salté encer le col y l'á bajé. ²¹Y le fi á dit: Pere, i á fat picé cuntra le ci y cuntra té; i ne sun nia plü degn de ester to fi. ²²Mo le pere ti á dit ai fanc: Jide debota a tó la plü bela iesta y iestídila, metedi n anel tla man y iestidi i cialzá. ²³Condüjede adalerch le videl mioré y tolédele ia; i orun mangé y fá gran festa. ²⁴Deache mio fi ea mort y vir endô; al ea pordü y é endô gnü cialfé. Y ai á motü man da fá festa. [...]

Oraziun dal de

Periun! Signur, nosc Dio, te to Fi aste reconzilié le monn con te a na maniera tan demorveia: dái a to popul na fede sterscia, ch'al se proi con ligreza söle tru dal ben adancuntra ala festa de Pasca. Por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar C)

📖 **Letöres dla Cuinta domegna de Carsema:**
Is 43, 16–21 | Fil 3, 8–14 | Jan 8, 8–11

Vire la Carsema

Lc 15, 1–3.11–32

Dlun saltenn ti él jü adancuntra, ti é salté encer le col y l'á bajé.

Impuls:

I prói da fá le pröm vare ...

Edema liturgica dai 31.03. ai 07.04.2019

DOM 31. 08:30 ora da disté! 10 y 18	Cuarta domegna de Carsema "Laetare" de dal Seminar y dai internac y dles scores dla dlijia gran messa por dōta la ploania s.m. a Al Plan <i>oferta por le Kassian-Tschiederer-Werk</i>	<i>Cornelia, Guido, Beniamin</i>
Lön 01. →	de d'oraziun personala y te familia	<i>Irene, Hugo, Gilbert</i>
Ded 02. 07:30	s.m. por perié do vocaziuns s.m. por † Lena Frena Brandlechner, Sotru	<i>Francesch de Paola, Maria d'Egit</i>
Dem 03. → 19:30	les Staziuns con i crejimandi: dōta la comunité é bel enviada da tó pert!	<i>Richard, Elisabeth Koch</i>
Jöb 04. 19:30	s.m. dai crejimandi d'aniversar por † Maria Kehrer ved. Vollmann s.m. por vis y defonti d'Ansele	<i>Isidor, Konrad, Heinrich Richter</i>
Ven 05. → 18:45 19:30	pröm vendres - Vinzenz Ferrer, Crescentia, Iuliana → astinonza dla cern signor ploan va a proveder poscibilité da se pissié s.m. por les Püres Armes, funziun al Sacher Cör	
Sab 06. 18:00 19:30	s.m. prefestia por † Albert Pedevilla, La Munt/Bornech s.m. por † Tone Daverda, Ierghele	<i>Zelestin, Sisto, Wilhelm</i>
DOM 07. 08:30 → 19:30	Cuinta domegna de Carsema gran messa por dōta la ploania y devoziun a Santa Maria s.m. por †† Pire y Rosa Willeit da Sach y † Maria Willeit, Ansele ♫ <i>Sabina Willeit, Giorgio Fasciolo (orgo)</i> Via Crucis con grups y uniuns	<i>Jan Baptist de la Salle, Albert</i>
ampola:	por fam. d'Ansele	
ministronc:	▶ da doman y domegna: Samuel y Maria ▶ da sera y domegna: Carolin y Denise	
i recordun:	Maria Agreiter ved. Chizzali, <i>San Martin</i> Maria Kehrer ved. Vollmann Emma Ellecosta Croni, <i>Tront</i>	+ 31.03.2012 + 04.04.2017 + 05.04.2009



Ci t'él pa pordert tomé ete? (Lc 15, 1-3.11-32)

I ponsi do


Cōsta é öna dles plü beles perts dal Vangelo: ara descrí la storia d'umanité co sciampa da Chelbeldio y ven endô zoruch tal momont dal debojügn. Mo dandadöt baiera dla misericordia y dla bunté de Chelbeldio, co tól sö düc y pordona. I ne desson mai ponsé che Chelbeldio sii en iudicadú dür. Le pentimont sonzier y l'umilté le fej gní ciamó plü generus y desponü a pordené nüsc fai.

I preii ensciö

I oress damané al jonn dla parabola: „Ciodi tan este pa jü demez y as lascé en te bun pere?“ Massa bun, paziont y plen de comprenjiun. Al t'â creta y respetâ töa liberté. Nüsc peri ne s'ess sogü nia dé nosta pert de ierpejun! Y spo canch'i fosson gnüs zoruch: se gní adancuntra? en abrac? na festa? Ma dai! Vire con en te pere foss sté desco sté te paraisc. Y empó t'an este jü. O magari, miú, san sunse jüs. Poa, deache cōsta é nosta storia, chera de nos düc, de nosta püra umanité. Y se stun saurí con Chelbeldio, mo i orun plü ienn se destaché da el y gni tratés nia desco fis mo piec co stlavs. Ví adancuntra, Signur, ciamó denant che nos podunse fá en vare cuntra te. Pordonesse, no ma por i picés ch'í án fat, mo ince por nosta mancianza de furbizia sc'i orun se destaché da n te pere desco tö.



I ponsun con le Vangelo



- 1> Tan de oras de mio ... á pa plü co assá da mangé
- 2> ... sö desco önn de tü oras.
- 3> al ea ... y é endô gnü ciafé
- 4> Dlun saltenn ti él jü ... ,
- 5> ti é salté encer le ... y l'á bajé.
- 6> Le pere l'â belo odü ... dalunc adalerch
- 7> metedi n ... tla man y iestidi i cialzá